

Aalisarnermut Piniarnermullu Naalakkersuisoqarfimmut

Att.: Rebekka Jensen

Raajat 2024-mi aalisarneqarsinnaasut annertunerpaaffissaat, TAC, pillugu tusarniaanermut SFG-mit akissut

SFG-p raajat 2024-mi aalisarneqarsinnaasut annertunerpaaffissaat pillugu siunnersuut nassiunneqartoq misissorpaa.

Nunatta kitaata imartaani 15.000 tonsit pallillugit annikilliliinissaq ukiuni marlunni ingerlanneqassasoq APN-imit innersuutigineqarpoq. Tassa 2024-mi 7.500 tonsit 2025-milu assinganik annertussusillit.

Annertussutsit innersuutigineqartut aalisarneqarsinnaasut annertunerpaaffissaasa katillugu 13,6%-iinik annikilliliinertut annertutigippat. Tamanna raajarniarnermi aqutsinissamut pilersaarut naapertorlugu APN-ip - Aalisarneq Pillugu Siunnersuisooqatigiit tusarniaaffigereernerisa kingorna – aalisarnermik aqutsinissamut pilersaarummiit 20%-imik annikilliliisinaanissaanut "immikkut ittumik" inissisimangilaq. Aalisarnermik aqutsinissamut pilersaarut naapertorlugu aalisarneqarsinnaasut annertunerpaaffissaat 2024-mi 12,5 %-imik annikillisinneqartussaavoq.

Aallarniutitut aalisarnermik aqutsinissamut pilersaarut malinneqanngippat MSC-mut tunngatillugu unammillernartuaannarpoq.

Pisumi matumani ima inissisimavugut SFG-mi raajanut tunngatillugu MSC-tut akuersissut 2024-mi januaarimi pisussaallutigu. Tassa imaappoq, **akuerisaaqqereernerup** kingorna MSC-surveillance audit tulliuuttoq 2025-mi januaarimi pissasoq naatsorsuutigineqarsinnaalluni. Tassa MSC-mit misissuisoqaqqinnginnerani 2024-mi 205-milu aalisarneqarsinnaasut annertunerpaaffissaat aalajangereerneqarsimassapput.

MSC-mut tunngatillugu ukiumi *ataasiinnarmi* – 2024-mi – aalisarnermik aqutsinissamut pilersaarummiit siunnersuinermillu nikingasoqarsinnaasoq, taamaallunilu aalisarneqarsinnaasut annertunerpaaffissaat 6,8 %-imik annikilliiinneqarsinnaasoq nalilerparput. Tamanna ilaatigut makkuninnga tunngavilersorneqarpoq:

- NIPAG-ip 2024-mi siunnersuineranut atatillugu immap sikusarnera pissutigalugu nalorninartut annertunerupput. Tamanna NIPAG-imiit Pinngortitaleriffimmiillu allakkiani ersarissumik takuneqarsinnaavoq.
- Uumassusillit MSY-mit annertunerujuarsinnarput – 1998-mililu taamaassimapput.
- NIPAG naapertorlugu raajat mikisut annertussusaat ukiuni tulliuuttuni 2-niit 4-ni aalaakkaassasoq naatsorsuutigineqarpoq.
- Qanoq aalisarneqarsinnaasut annertunerpaaffissaat siunnersuineq malillugu – tassa 2 x 6,8 %-imik annikillillugu – anguneqarsinnaanersoq APN pilersaaruteqassasoq.

Aalajangiinarneq sapinngisamik ammasumik ingerlanneqassasoq MSC-mut tunngatillugu aammattaaq pingaaruteqarpoq. Taamaammat MSC tulliani misissuilerpat ataatsimiinnermit imaqarniliaq takussutissatut atorneqarsinnaaniassammat Aalisarneq pillugu Siunnersuisooqatigiit tulliani ataatsimiilerpata tamassuma

eqqartornissaa iluaqutaassaaq. Taamaalilluni 2024-mi aalisarneqarsinnaasut annertunerpaaffissaat pillugu aalajangiinermi tunngavigineqartut nassuiarneqassallutillu attuumassuteqartut/soqutigisaqartut tamarmik tusarniarneqartut takussutissaqassapput.

Ukiut marluk ingerlanerani annikilliliinissamut tunngatillugu pilersaarutip malinneqarnissaa aammattaaq pingaaruteqarpoq. Tassa imaappoq, *ukiup tulliani* 2025-mi aalisarneqarsinnaasut annertunerpaaffissaat aalajangerneqalerpata aalisarneqarsinnaasut annertunerpaaffissaat NIPAG-illu siunnersuinerat imminnut **naapertuuttariaqarput**. NIPAG-ip siunnersuinerana aamma appartariaqartumik inissikkaluarpalluunniit.

Nunatta kangiata imartaani aalisarneqarsinnaasut annertunerpaaffissaannik aalajangersaanermut tunngatillugu 2024-mut siunnersuut NIPAG-imiit ilisimatuussutsikkut siunnersuinermit annertunerungaatsiartoq SFG-mit maluginiarneqarpoq. Siunissami MSC-tut akuerisaanissamut tunngatillugu tamanna piumasaqaataasussaammat siunnersuinerup aalisarneqarsinnaasullu annertunerpaaffissaasa imminnut naapertuunnissaat APN-imit sulissutigineqassasoq SFG-mit innersuutigineqarpoq.

Inuulluaqqusilluta

Sustainable Fisheries Greenland